

COULÒQUI ANEN O!...

Quent aveni pèr la lengo d'oc? — L'òucitan en Prouvènço-Aup-Costo d'Azur



Prouvènço d'aro

Tóuti li mes, lou journau de la Prouvènço d'aro

Nouvèmbe 2013

n° 293

2,10 €

Lengo à l'artimo

Èro lou 28 de setèmbre passa, tout de long de l'après-dina e de la vesprado, la cadeno ARTE nous pourgiguè à-de-rèng uno tiero de repourtag, d'entrèvo, de filme, de doucumentàri sus lou subjè: "*Ces langues qui ne veulent pas mourir*".

Èro pas uno emessioun pèr s'amusa, n'ague-rian li mesoulo jalado. D'eici la fin de noste siècle la mita di lengo dóu mounde auran despargu, à la fin dóu siècle d'après, lou 22en, soubrran soucamen quàuqui deseno de lengo. Uno tragedio vertadiero.

Lis especialisto dison qu'un lengo porto uno pensado, uno civilisacioun, un biais de viéure, tóuti li riquesso de la diversita culturalo; dison encaro que pèr subre-viéure uno lengo dèu èstre escricho. S'acordon pèr dire que li chan-jamen climati buton li gènt à parti de soun mitan naturau que se moudifio de cop que i'a en quàuquis an; dison peréu que li gènt, li jouine en particulié, soun pivela pèr li vilo e li biais de viéure ciéutadan, li pouplacioun trobon la vido trop duro dins si territòri tradi-ciounau, alor van aumenta li pouplacioun pauro di bidoun-vilo di gràndi ciéuta. E pièi i'a encaro li gros endustriau, li gros marchand, que saquejon lis espàci naturau ounte vivon li pople mai o mens primitiéu, en bousco de riquesso mineralo, de bos, de petròli, e pèr acò faire couchon li pouplacioun de si territòri tradi-ciounau.

Li gènt d'Amazounio, de Siberio, di fourèst vierge d'Africo, d'Arctique, de Papouasio o d'Australio, an que de regreta tóuti aquéli treboulèri que li desmamon de tout; podon quasimen rên faire contre.

Fuguè uno granda emoucioun tout de long d'aquéli ouro d'emessioun de descurbi que de lengo vénon de perdre i'a gaire soun darré loucutour e qu'un universitàri soucamen pòu n'en parla emé sciénci; avèn entendu de gènt de Siberio, de Courèio, d'Australio que soun plus que quatre o cinq de parla uno lengo; à-n-un endré uno femo souleto parlavo encaro la lengo de soun pople...

O, i'a de que ferni.

E se nosto rebello lengo d'o venié coume aquésti à desparèisse...? mai de-segur riscan pas grand causo... pèr aro! nosto lengo es un pau ensignado, es escricho, de centeno de milié de gènt la parlon encaro...

Mai sian-ti segur de tout acò? regarden bèn à noste entour se la situacioun es autant bello que ce que poudrian crèire...

Siguen realisto, nosto situacioun èi pas tant flamo qu'acò, nosto lengo riscara rên soucamen se se boulegan de longo pèr la faire viéure, pèr la mantenir, la proumoure, la tras-metre, es uno part dóu patrimòni de l'umanita, prenèn n'en bèn counsciénci.

J-M. Courbet

Cinema en Prouvènço



La ratificacioun de la Charto en 2014

Pèr l'anniversari de Frederi Mistral en 2014, pulèu que d'intra dins l'encastre di gènti counmemouracioun ouficialo dóu Menistèri de la Culturo d'un Estat vergougous que vòu pas soulamen retifica la Charto èuropenco di lengo regiounalo, es em'uno proutèsto que voulèn ounoura Frederi Mistral... Pèr acò cadun poudra manda uno

carto de revendicacioun au Presidènt de la Republico, pèr ié rapela sa proumesso de s'aligna sus lis àutri país èuropen en ratificant aquelo charto. Li carto soun tre aro distribuïdo. Sufis de signa aquelo demando e de la manda à la Presidènci de le Republico, lou port aqui es gratis. Sara la plus bello garbo en l'ounour pèr Fredri Mlstral...



Monsieur le Président,		DA Dispensé d'affranchissement
Je demande:		
- La ratification par la France de la Charte européenne des langues régionales ou minoritaires; - Une loi en faveur des langues régionales de France, et en particulier de la Langue d'Oc.		Mr le Président de la République Palais de l'Élysée 55, Rue du Faubourg Saint-Honoré FR - 75008 PARIS
Nom	Prénom	
Ville	Signature	

J.-Marc Courbet guierdouna

Lou Majourau a reçaupu lou Grand Prèmi Literàri de Prouvènço à Ventabren.

Pajo 6

Nouvèl Eden à La Ciéutat

La vilo ounte fuguè enventa lou cinema retrobo sa salo de proujeicioun.

Pajo 8

Lou Coulòqui pèr la lengo d'oc

Lou prougramo coumplèt de l'acamp dóu dissate 30 de novèmbe à Marsiho.

Pajo 12